

Naalackersuinikkut sulinermut aningaasatigut tapiissuteqartarneq pillugu Inatsisartut inatsisaat

§ 1. Inatsisartuni naalackersuinikkut sulineq nukittorsarumallugu naalackersuinikkut partiit, kattusseqatigiillu Inatsisartuni ilaasortaataitaqartut inuillu ataasiakkaat partiit avataatigut qinigaasimasut aningaasanik tapiiffigineqartarput.

Imm. 2. Inatsisartuni ilaasortanut, partii kattusseqatigiilluunniit sinnerlugit qinigaasimasunut, partiimit kattusseqatigiinnilluunniit tunuartunut tapiissuteqartoqartassaartaaq.

Imm. 3. Tamatuma saniatigut kommunimut Inatsisartunulluunniit qineqqusaarnermut aningaasartuutit tapiiffigineqarsinnaapput.

Inatsisartuni sulinermut tapiissutit

§ 2. Naalackersuinikkut suliniaqatigiiffik, partii, Inatsisartuni qinikkanik sinniisoqartoq partiip naalackersuinikkut sulineranut tapiiffigineqarsinnaatitaavoq. Tapiissut ukiumut angissuseqarpoq partiip qinigaatitaanut tamanut 100.000 kr.-inik.

Imm. 2. Inatsisartuni ilaasortaq partiit avataatigut qinigaasimasooq naalackersuinikkut sulinerminut tapiiffigineqarsinnaatitaavoq. Tapiissut ukiumut 100.000 kr.-iuvoq.

Imm. 3. Inatsisartuni ilaasortat kattusseqatigiillutik arlaliullutik qinigaasimagunik naalackersuinikkut sulinerminnut ataatsimoortumik tapiiffigineqarsinnaatitaapput. Kattusseqatigiit sinnerlugit qinigaasunut tamanut tapiissut ukiumut 100.000 kr.-iuvoq.

Imm. 4. Immikkoortut 1-imiit 3-mut malillugit tapiiffigineqarnissamik qinnuteqaatit ukiumi qinnuteqarfiusumi tunniutereersimaneqassapput kingusinnerpaamik ukiumi qinnuteqarfiusumi 1. marts.

§ 3. Partii, kattusseqatigiit imaluunniit ilaasortaq partiit avataatigut qinigaasooq siusinnerusukkut Inatsisartuni ilaasortaasimanngikkuni tapiiffigineqarsinnaatitaavoq § 2, imm. 1 - 3 malillugit.

Imm. 2. Imm. 1 malillugu tapiissutit ukiumi qinersiviusumi tunniunneqassapput qaammammit qinersivimmiit ukiumut tapiissutissat agguaqatigiinnerat naapertorlugu.

Imm. 3. Imm. 1 malillugu naalackersuinikkut sulinermut tapiissutissanik qinnuteqaat kingusinnerpaamik tunniunneqarsimassaaq qinersinerup kingornatigut qaammatit marluk qaangiunneranni.

§ 4. Inatsisartuni ilaasortaq partiimiit kattusseqatigiinnilluunniit qinigaasimasooq partiimit kattusseqatigiinnilluunniit tunuartoq Inatsisartuni naalackersuinikkut sulinerminut tapiiffigineqarsinnaatitaavoq. Tapiissut angissuseqarpoq ukiumut 100.000 kr.-inik.

Imm. 2. Imm. 1 malillugu tapiissutit tunniunneqartassapput ukiumi partiimit kattusseqatigiinnilluunniit

tunuarfusumi qaammammit partiimit kattusseqatigiinilluunniit tunuarfiup naaneraniit agguaqatigiissillugu ukiumoortumik pisassat tunngavigalugit.

Imm. 3. Imm. 1 malillugu tapiissutit qinnutigineqassapput partiimit kattuseqatigiinnilluunniit tunuarnerup kingornatigut kingusinnerpaamik qaammatit marluk qaangiunneranni.

Naatsorsuinermi tunngaviusut

§ 5. §§ 2 - 4 malillugit tapiissutit qinnuteqareernikkut ukiumut ataasiarlutik tunniunneqartarput 1. januarimiit 31. decembarimut atuuttussatut.

Imm. 2. § 2, imm. 1 aamma 3 malillugit tapiissutit naatsorsorneqartassapput ukiumi qinnuteqarfimmi 1. januarimi ilaasortaqaassuseq tunngavigalugu. Ukiumi qinnuteqarfusumi tapiissutit naatsorsorneqaqqissanngillat 1. januarimiit 31. decembarimut ilaasortat qinigaasut allanngornerat patsisigalugu.

Imm. 3. Tapiissutit § 2 aamma 4 malillugu partiimut, kattusseqatigiinnut ilaasortanulluunniit ataasiakkaanut ilaasortaajunnaartumulluunniit ukiumi qinersiviusumi tunniutassat ikilineqaratilluunniit amerlineqassanngillat ukiumi qinersivimmi 1. januarimut sanilliullugu ilaasortaatit allanngorsimagaluarpataluunniit.

Qineqqusaarnermut tapiissutit

§ 6. Partii partiilluunniit avataatigut nunaqarfinni aqutsisunut, kommunimut Inatsisartunulluunniit qineqqusaartoq qinersineq sioqqullugu naalakkersuinikkut sulinermini aningaasartuutiminut tapiiffigineqarsinnaavoq.

Imm. 2. Partiinut partiillu avataatigut qinigassanngortittunut tapiissutit aningaasat inatsisaanni aalajangerneqartassapput.

§ 7. Qinersineq sioqqullugu naalakkersuinikkut sulisimanermut tapiissutit qinnutigineqassapput kingusinnerpaamik qinersinerup kingornatigut qaammatit marluk qaangiunneranni.

Qinnuteqarnej aningaasallu tigunerat

§ 8. §§ 2 - 4 malillugit qinnuteqaatit Inatsisartut Siulittaasoqarfiannut tunniunneqassapput, tassa taakkua aalajangissammasuk tapiiffigineqarnissamut piumasaqaatit eqqortinneqarsimanersut.

Imm. 2. Tapiiffigineqarnissamik qinnuteqaat tunniunneqassaaq partiip siulersuisuunerinit, kattusseqatigiit sinniisuannit aamma partiit avataatigut Inatsisartuni ilaasortaasumit imaluunniit partiit avataatigut qinigassanngortittumit tapiissutillu taakkununga tunniunneqassapput.

Imm. 3. § 6 malillugu tapiiffigineqarnissamik qinnuteqaatit Naalakkersuisunut tunniunneqartassapput.

§ 9. Inatsisartut inatsisaat manna naapertorlugu tapiissutit bankimi kontumut immikkut inissitamut ikineqassapput, taakkulu siunertanut allanut atorneqassanngillat.

Imm. 2. §§ 2 - 4-imut malillugit tapiissutinik tiguisartut ukiut tamaasa qinnuteqarnerminnut aammalu naatsorsuutininik kukkunersiukkanik nassiussinerminnut ilanngullugu Inatsisartut Siulittaasoqarfiannut

uppernarsarlugu nalunaarutigisassavaat qaamatisiutit ukiuanni qaangiuttu-mi tapiissutit
naalakkersuinikkut sulinermut ilumut atorineqarsimasut, kiisalu tamanna nangeq-qinneqassasoq.
Taamatut uppernarsaalluni nalunaaruteqartoqanngippat Inatsisartut Siulittaasoqarfiat
aalajangersinnaavoq tapiissutit tunniutassat tulliit kinguartinneqassasut
tunniutinngiinnarneqassasulluunniit.

Imm. 3. § 6 malillugu tapiissuteqarfigineqarsimasut qinersinerup kingorna kingusinnerpaamik qaammatit
pingasut qaangiunneranni uppernarsarlugu Naalakkersuisunut nalunaarutigisassavaat aningaasat qinersineq
sioqqullugu naalakkersuinikkut suliniarnermut ilumut atorineqarsimasut. 25.000-init amerlanerusunik
tapiissutisisimasut uppernarsarlugu nalunaarumminnut ilanngullu-git tapiissutit atorineqarnerinut
naatsorsuutinin kukkunersiukkanik nassiussaqaassapput. Taamatut uppernarsarlugu
nalunaaruteqartoqanngippat imaluunniit naatsorsuutinin kukkunersiukkanik nassiussisoqanngippat
Naalakkersuisut aalajangersinnaavaat tapiissutigineqarsimasut tamakker-lugit ilaannakorlugilluunniit
utertinneqassasut.

§ 10. Inatsit manna naapertorlugu tapiissutaasut isertitatut akileraarutaasussatut isigineqassanngillat.
Tapiissutit erniatigut isertitaqaataasimappata akileraarutissanut ilanngunneqassanngillat.

Imm. 2. Inatsit manna malillugu tapiissutinin aningaasartuutit Nunatta karsianit matuneqassapput.

§ 11. Inatsit atortuulerpoq 1. januar 2002.

Imm. 2. 2001-imi tapiissutigineqarsimasut pillugit § 9 malillugu naatsorsuutinin kukkunersiuk-kanik
nassiussisoqassanngilaq.

Imm. 3. Tamatuma peqatigisaanik atorunnaarsinneqassapput naalakkersuinikkut suliaqarnermut
tapiissutit pillugit Inatsisartut inatsisaat nr. 9, 31. oktober 1995-imeersoq kiisalu naalakkersuinikkut
suliaqarnermut Inatsisartut inatsisaata allannguutaa nr. 5, 11. november 2000-imeersoq.

Namminersornerullutik Oqartussat, ulloq 31. maj 2001

Jonathan Motzfeldt

/

Søren Hald Møller

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut